



Broj: 08-04-11.2-2-126/26
Datum: 10.02.2026. godine

Na osnovu člana 64. stav (1) tačka b), člana 70, stav (1), (3) i (6) i člana 89. Zakona o javnim nabavkama („Službeni glasnik BiH“ broj 39/14, 59/22 i 50/24); a na prijedlog Komisije za javne nabavke utvrđen u Zapisniku o pregledu i ocjeni ponuda broj: 08-04-11.2-2-126/26 od 04.02.2026. godine, u postupku javne nabavke štampanog materijala, ministar donosi:

ODLUKU o izboru najpovoljnijeg ponuđača

Član 1.

Prihvata se prijedlog Komisije za javne nabavke broj: 08-04-11.2-2-126/26 od 04.02.2026. godine i dodjeljuje se ugovor ponuđaču „Banf“ d.o.o. Tuzla, Đure Đakovića do broja 2, 75000 Tuzla u postupku javne nabavke štampanog materijala, objavljenog na Portalu javnih nabavki broj 1111-7-1-3-3-9/26 od 21.01.2026. godine.

Član 2.

Ova Odluka objavit će se na web stranici MUP-a TK-a, u skladu sa članom 70. stav (6) Zakona o javnim nabavkama BiH.

OBRAZLOŽENJE

Odlukom o pokretanju postupka javne nabavke broj: 08-04-11.2-2-126/26 od 20.01.2026. godine, MUP TK-a je pokrenulo postupak konkurentskog zahtjeva za dostavu ponuda za nabavku štampanog materijala. Na Portalu javnih nabavki objavljeno je Obavještenje o javnoj nabavci broj: 1111-7-1-3-3-9/26 od 21.01.2026. godine.

Do krajnjeg roka za prijem ponuda koji je bio 02.02.2026. godine do 11:00 sati, zaprimljene su ponude sljedećih ponuđača: „Planjax Komerc“ d.o.o. Jelah, „Štamparija Fojnica“ d.d. Fojnica, „Aero Exclusive“ d.o.o. Sarajevo, „Grafičar“ d.o.o. Bihać i „Banf“ d.o.o. Tuzla.

Na osnovu Zapisnika komisije o pregledu i ocjeni ponuda broj: 08-04-11.2-2-126/26 od 04.02.2026. godine izvršena je analiza ponuda pri čemu je utvrđeno da su ponude ponuđača: „Planjax Komerc“ d.o.o. Jelah, „Štamparija Fojnica“ d.d. Fojnica, „Aero Exclusive“ d.o.o. Sarajevo i „Banf“ d.o.o. Tuzla, prihvatljive za ugovorni organ dok se ponuda ponuđača „Grafičar“ d.o.o. Bihać odbija kao nepravilna.

Pri analizi dostavljene ponude ponuđača „Grafičar“ d.o.o. Bihać broj 01-026/26 od 27.01.2026. godine je utvrđeno da dostavljeni Aneks 8 – Nacrt ugovora za nabavku štampanog materijala na strani 25 numerisanoj od strane ponuđača nije parafiran a što je ponuđač bio u obavezi imajući u vidu odredbu tačke 4.14 (Nacrt ugovora) tenderske

dokumentacije MUP TK-a („... Ponuđači su dužni uz ponudu dostaviti potpisan Nacrt ugovora te su dužni parafirati sve listove dostavljenog Nacrta ugovora ...“).

Na osnovu naprijed navedenog ponuda ponuđača nije pripremljena u skladu s tenderskom dokumentacijom (tačka 4.14), te je ponuda ponuđača odbačena kao nepravilna.

Obzirom da je provođenje e-aukcije bilo predviđeno tenderskom dokumentacijom, Komisija za javne nabavke je izvršila rangiranje prihvatljivih ponuda prema kriteriju za izbor ponuda u početnoj ocjeni ponuda, te je zakazala početak e-aukcije u sistemu e-nabavke za dan 06.02.2026. godine u 14:00 sati, u trajanju od 10 minuta.

Po zaprimljenom Izvještaju o toku i završetku e-aukcije završene 06.02.2026. godine, Komisija je nastavila sa radom 10.02.2026. godine u 13:00 sati, te je nakon održane e-aukcije, primjenom kriterija najniže cijene iz dostavljenog Izvještaja o toku i završetku e-aukcije sačinila konačnu rang listu ponuđača koji su učestvovali u e-aukciji.

Red.broj	Naziv ponuđača	Konačna cijena u KM bez PDV-a	Rang
1.	„Banf“ d.o.o. Tuzla	31.500,00	1
2.	„Aero Exclusive“ d.o.o. Sarajevo	31.700,00	2
3.	„Planjax Komerc“ d.o.o. Jelah	39.500,00	3
4.	„Štamparija Fojnica“ d.d. Fojnica	43.900,00	4

Primjenom kriterija najniže cijene za dodjelu ugovora, nakon održane e-aukcije i ocjene ponuda, Komisija predlaže ministru MUP-a TK-a da donese Odluku o izboru najpovoljnijeg ponuđača, te ugovor za javnu nabavku štampanog materijala dodijeli ponuđaču „Banf“ d.o.o. Tuzla, Đure Đakovića do broja 2, 75000 Tuzla, s obzirom da je isti dostavio prihvatljivu ponudu s najnižom cijenom u iznosu od 31.500,00 KM bez PDV-a, odnosno 36.855,00 KM sa obračunatim PDV-om.

Pouka o pravnom lijeku:

Protiv ove Odluke može se izjaviti žalba u roku od 5 dana od dana prijema ove Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi. Žalba se podnosi u najmanje 3 primjerka.

Dostaviti:

- ponuđačima
- a/a



MINISTAR
[Signature]
Nežad Bristrić